

Referencia para *Ni chigaca lu reunión* *Xhiiña' Dios ne modo nabánu*

4-10 DE NOVIEMBRE

CA TESORO ZEEDA LU BIBLIA | 1 JUAN 1-5

«Cadi gannaxhiinu guidxilayú nin guirá' ni nuu ndaani' guidxilayú»

w05-S 1/1 yaza 10 párr. 13

Chinándanu ejemplu bisaana Jesús

¹³ Nu u binni riní' ique cadi malu di' guirá' ca cosa nuu lu guidxilayú ri'. Neca zacá, zanda gucaa guirá' ni nuu ndaani' guidxilayú ri' laanu gusaana de gúninu ni ná Jiobá. Guirá' ni runi ofrecer guidxilayú ri' zanda guxhélecani laanu de Dios. Nga runi, pa *gannaxhiinu* ca cosa ni nuu ndaani' guidxilayú ri', neca rulu' cadi malu caní, zanda gusábacani laanu (1 Timoteo 6:9, 10). Stale de ca cosa ni runi ofrecer guidxilayú ri' zanda guninácani laanu ne zanda quítecani laanu. Quíxhenu ti ejemplu, pa guidú'-yanu película o programa de televisión ra cadinde binni, ra rihuinni ximodo zanda gapa binni stale cosa risaca o cayuni practicar xiixa pecadu sexual, zándaca gucaacani laanu guini' íquenu cadi malu ni cayúnicabe ne zándaca gucaacani laanu guche'nu. Pa guidxaaganu tuuxa ni nisi cá ique gapa cosa risaca para guibani galán o nisi ma' caní ique gapa xiixa negocio, zándaca guini' íquenu casi laa (Mateo 6:24; 1 Corintios 15:33).

w13 15/8 yaza 27 párr. 18

Bicaa ique guibánilu' modo riuula'dxi' Dios

¹⁸ Sti cosa ni zacané laanu gucá'nanu caní nuu ndaani' Guidxilayú nga guietenalá'dxinu ca diidxa' guní Juan ri': «Canitilú guidxilayú ne irá ni nuu ndaani ni que, peru qué ziuu dxi initilú ni guni ni na Dios» (1 Juan 2:17). Rulu' nga dxandí guirá' ni nuu ndaani' guidxilayú sti' Bini-dxaba' ri' ne rulu' qué ziuu dxi guiluxe caní, peru mayaca guinitilú caní. Cadi quítenu laca laanu: zanitilú guirá' ca cosa ni rudii guidxilayú ri' binni.

Guyúbinu ca perla ni ga'chi'

w13 15/9 yaza 10 párr. 14

Guni crenu caní rusietenala'dxi' Jiobá laanu

¹⁴ Lu Stiidxa' Dios ni gucuá lu diidxa' griegu zeeda stale ni rusietenala'dxi' Dios laanu de modo naquiiñe' gannaxhiisaanu. Jesús guní: «Gunaxhii stobi cásica nadxii lu lii», ne bisiénebe nga nga guiropa mandamientu jma risaca sti' ley (Mat. 22:39). Santiago, bi'chi' Jesús neza jñaa, guní laani nga Ley «ni jma risaca» (Sant. 2:8). Ne apóstol Juan bicaa: «Hermanu ca', cadi cagui-xhe xiixa nacubi guni tu, sínuque cucaa ni maca nanna tu dede dxi bizulú tu bicaa diaga tu stiidxa Dios. [...] Peru casi ñaca nacubi ni yanna» (1 Juan 2:7, 8). Yanna, xi gucala'dxi' Jesús niní' né ca diidxa' «ni maca nanna tu» ca ya'. Caní'-be de ley ra na gannaxhii binni stobi. Maca nánnacabe ni, purti' maca bisiene Jesús ni laacabe «dede dxi bizulú» biziidicabe de Dios. Peru «nacubi» ni purti' naquiiñeru' gusihiúnnicabe ni ora guidxagalúcabe guendanagana. Cumu laaca nácanu discípulo sti' Cristu la? nga runi rudi'nu xquíxepe' Dios pur rusietenala'dxi' laanu pabiá' risaca nga gannaxhiinu binni ne cadi guyúbinu para laasinu, casi runi binni ni qué runibiá' Dios.

w07 1/8 yaza 3 párr. 2; yaza 5 párr. 9

Huayuu dxi gucheenelu' espíritu santu la?

² Stiidxa' Dios na zanda gucheené binni espíritu santu sti' Jiobá. Jesucristu guní: «Zuni perdonar Dios caní ruchee, ne caní riguu dí, peru qué ziuu dxi guni perdonar be caní [guini' mal de] Espíritu Santu» (Mateo 12:31). Biblia cayábica laanu «pa ma nanna nu xii nga jneza, peru uyubi nu uché' nu la? ma gastí zanda usiga'de nu Dios para guíaxa stonda nu. Ne pa nuu tu guni zacá la? ganna dxichi zusaba ná Dios laa» (Hebreos 10:26, 27). Ne apóstol Juan bicaa sicarí' de laani: «Nuu enda ruchee ni runitilú» (1 Juan 5:16). Yanna, ñee binni ni bi'ni' xiixa cosa malu nga guini' pa zati pur ni bi'ni' la?

⁹ Rininu mal de tuuxa o de xiixa ni zeeda de Dios nga ora rindísanu falsu luguíá' o guininu xiixa ni gusihuinni cucá'lunu laa. Cumu de Dios zeeda espíritu santu ca la? ora cucá'lunu espíritu ca casi ñaca cucá'lunu Dios. Tu guni zacá ne qué gaca arrepentir la? qué zutiidila'dxi' Dios stonda. Ora caní' Jesús de caní rucheené espíritu santu sti' Dios la? caní'be de caní nanna dxíchica' cucaaluca' espíritu santu sti' Dios. Neca biiya' ca binni ni cucaalú que ximodo gucané espíritu sti' Jibó Jesús para bí'ni' ca milagru que la? naca' bí'nibe caní ne poder sti' Binidxaba'. Ngue runi, bicheecabe purti' guní'cabe mal de espíritu sti' Dios. Ne sicarí' guní' Jesús de laani: «Pa chu' tu [guiní' mal de] Espíritu Santu [...] la? ngue qué ziuu dxi guni perdonar Dios laa, sínuque ziaana donda luguíá'» (Marcos 3:20-29).

11-17 DE NOVIEMBRE

CA TESORO ZEEDA LU BIBLIA | 2 JUAN 1-JUDAS

«Gúninu stipa cadi guixélenu de ni dxandí'»

w04-S 15/9 yaza 11, 12 párr. 8, 9

«Laguicaa poder ni rudii Señor laatu»

⁸ Nánnanu xi ca cosa jma riuula'dxi' Binidxaba' iquiiñe' para gusaba laanu purti' Biblia rusiene caní (2 Corintios 2:11). Biyubi Binidxaba' modo guniná Job para guíree gana ne guiní' ique ma' bisaana Dios laa. Biniti Job guirá' cosa sti', guti ca binni ni nadxii, bicaalú familia sti' laa, biasa ti guendahuará malu luguíá' ne bí'ni' criticar ca ni ná naca xhamigu laa (Job 10:1, 2). Neca cadi Binidxaba' pe' napa donda pur guirá' ni rizaaca binni yanna, riquiiñebe caní para guninabe stale xpinni Cristu ne rusiroobabe ca guendanagana stica' para gusábabe laaca'.

⁹ Lu ca últimu dxi nabáninu ri', nabé ma' bidale ca modo riquiiñe' Binidxaba' para gucaalú laanu ne guxhele' laanu de Dios. Stale binni ruyubi guni ni riuula'dxi' lugar de guyubi chu' gaxha de Dios. Nabé rucaa ca mediu de comunicacón

binni guiní' ique cadi malu nga gapa relación sexual né tutiica ni gacala'dxi'. Ne stale binni jma ruyubi ni riuula'dxi' lugar de guyubi Dios (2 Timoteo 3:1-5). Nga runi, naquiiñe' gudxi'lunu né guirá' stipa stinu ti cadi guirá fe ni nápanu ne cadi guicá modo riní' ique binni guidxilayú laanu ne guixélenu de Dios (Judas 3).

Guyúbinu ca perla ni ga'chi'

it-1-S yaza 125 párr. 7

Saa ra rócabeuntu para gusihuínnicabe nadxiisaacabe

Qué ruzeete' Biblia ximodo guca ca saa ra rócabeuntu para gusihuínnicabe nadxiisaacabe o *fiestas de amor*, ninca qué riete panda biaje guca caní (Jud 12). Qué ñuni mandar Jesucristu ñaca caní, ninca ca apóstol sti', nga runi cadi obligadu guni binni ni. Ca xpinni Cristu ni napa bueltu nga bí'ni' saa ri' ne runi invitarca' ca hermanu stica' ni qué gapa bueltu. Raca guendaró para guirá' ca huérfanu, viuda, ca hermanu napa bueltu ne ca ni qué gapa ne rócabeuntu casi hermanu.

it-2-S yaza 861

Guié

Sti diidxa' griegu *spi-lás*, rini'ni guié ni ga'chi' ndaani' nisa. Biquiiñe' Judas ilustración ri' para guiní' de caadxi hombre ni guyuu ndaani' congregación sti' ca xpinni Cristu para gúnica' cosa ni cadi jneza. Cásica naca ca guié ni ga'chi' ndaani' nisa ti peligru para ca barcu, zaqueca nga guca ca hombre ri' ti peligru ndaani' congregación. Judas guní' de laacabe: «Naca ca hombre ri' casi guié ni ga'chi' ndaani' nisa laga cayonécabe laatu» (Jud 12, *TNM*).

wp17.1-S yaza 12 párr. 1

Gúnnabe ma' bisiéchebe Dios

¿Xi bí'ni' profetizar Enoc? Laabe guní'be: «¡Laguuya! Bedané Jibó stale mil ángel ni ma' gulí para guni xhiiña' ti guni juzgar guirá' binni ne gusihuinni guirá' cosa malu ni cayuni guirá' ca pecador ni qué runi respetar laa. Zuni Dios ni

purti' rúnica' guirá' clase cosa ni cadi jneza ne rini'ca' mal de laabe» (Judas 14, 15, *TNM*). Zándaca guiní' íquenu xiñee guní' Enoc ca diidxa' rí' casi ora ma' bi'ni' Dios ni ná profecía rí'. Sicarí' bicaa stale profeta purti' nuucabe seguru zaca cumplir profecía ni gudxi Dios laacabe, nga runi guní'cabe ni casi ñaca ma' guca ni (Isaías 46: 10).

wp17.1-S yaza 12 párr. 3

Gúnnabe ma' bisiéchebe Dios

Ora guiní' íquenu pabiá' fe gupa Enoc, rucaani laanu guinabadiidxanu pa ridú'yanu ca cosa nuu ndaani' guidxilayú casi modo ruuya' Dios caní. De yanna risácaru' mensaje ni bi'ni' predicar Enoc, cásica gúcani tiempo bibánibe. Guca cumplir mensaje ni bi'ni' predicarbe que ora bedané Jiobá Diluvio que ne binitiluni ca binni malu bibani tiempo sti' Noé. Ni bizaaca rí' gúcani ti ejemplu de ximodo chigunitilú Dios ca binni malu ma' cadi candaa (Mateo 24:38, 39; 2 Pedro 2:4-6). Ca dxi stinu rí', ma' nuu Dios listu né mil de ángel sti' para tindeca' ne gunitiluca' ca binni malu nuu yanna rí'. Nga runi, chuunu chití-dxinu binni mensaje ni bidii Enoc dxiqué. Zándaca qué ziuula'dxi' familia stinu ne ca xhamígunu ni, ne zándaca ziuu biaje zuni sentirnu stúbinu. Peru cadi guíaanda' laanu, pa qué gusaananu Jiobá, laaca qué zusaanabe laanu cásica qué nusaanabe Enoc.

18-24 DE NOVIEMBRE

CA TESORO ZEEDA LU BIBLIA | APOCALIPSIS 1-3

«Nanna' xi guirá' ma' bi'nilu'»

w12 15/10 yaza 13 párr. 8 **Ximodo riní' íquelu'**

⁸ Para cadi guiní' íquenu casi riní' ique binni guidxilayú, guietenalá'dxinu ni riní' Biblia, nani sicarí': «Lu ná [Jesús] ladu derechu» naaze be «gadxe luceru». Ca luceru rí' nga ca binnigola ni bibí, ne nácacani guirá' binnigola ni nuu ndaani' ca neza binni ridagulisaa. Jesús zanda guni ni

gacala'dxi' ne ca «luceru» ni nuu lu ná' (Apoc. 1: 16, 20). Cumu laabe nga Xáique sti' ca neza binni ridagulisaa la? nánnabe xipe' nga cayaca lade ca binnigola. Biblia na «ruzaani guielú be casi bele» o nánnabe xi cayuni guirá' xpínnibe; nga runi, pa naquiiñe' uguu jnézabe ti binnigola la? zúnibe ni ora nabe ne modo nabe (Apoc. 1:14). Ne laanu la? cadi gusaana de guni respetarnu caní ma' bibí ne espíritu santu, purti' Pablu bicaa: «Lauzuuba stiidxa caní nuu de xáique stitu. Laguni ni gabi ca laatu purti qué rixhacala'dxi ca de gapa ca laatu, ti nanna ca Dios iní' pa jneza cayuni cá'. Pa guni tu zacá la? zieche né cabe xhiíña cabe, ne qué zaca ni naná para laacabe, ne jma rusi zanda acané cabe laatu» (Heb. 13: 17).

w12 15/4 yaza 29 párr. 11

Cayapa Jiobá laanu ti ganda guilanu

¹¹ Lu visión ni zeeda lu capítulo 2 ne 3 sti' Apocalipsis, cuzeete' biiya' Jesucristu xi caya-ca ndaani' gadxe neza binni ridagulisaa guyuu Asia Menor. Lu visión que rihuinni nanna Jesús ximodo nuu cada binni ni nuu ndaani' cada neza binni ridagulisaa. Nu tiru dede ruzeetebe lá tuuxa, guluube gana laaca' ne bidiibe conseju ni caquiiñeca'. Xi rusiidi' visión rí' laanu ya'. Bizulú cayaca ni na visión ca dede iza 1914. Gadxe neza binni ridagulisaa ni ruzeetení nga zeeda gaca ca xpinni Cristu ni bibí, ne riquiiñe' guirá' ca neza binni ridagulisaa nuu lu Guidxilayú ca conseju rudii Jesús laacabe. Nga runi, zanda guininu riquiiñe' Jiobá Xiiñí' para gusiene xquidxi xi naquiiñe' guni. Ximodo rudi'nu lugar gusiidi' Jiobá laanu ya'.

w07 1/4 yaza 22 párr. 2

Guzú'banu stiidxa' Cristu ne stiidxa' mozo ni nuu xpiaani'

² Cumu Jesús nga «xáique sti irá xixé» neza binni ridagulisaa la? nga runi riní'be xi naquiiñe' gúnica' ne nanna dxíchibe xi cayaca ládeca'. Laabe cayuuya' chaahuibe pa jneza cayuni adorar ca neza binni ridagulisaa Dios. Lu visión gucuua Juan ra ziluxe primé siglu que

zeeda gusiene chaahui' ni guninu ri'. Luni cayee-te' guni'né Jesús gadxe neza binni ridagulisaa ne gaayu' biaje gúdxibe laaca' nánnabe xi guirá' rúnica' ne xi qué rúnica', nga runi nuu biaje gu-lube gana laaca' ne nuu biaje bidiibe conseju laaca' (Apocalipsis 2:2, 9, 13, 19; 3:1, 8, 15). Ne nánnanu laaca gunna dxichi Jesús modo bi'ni' adorar xcaadxi neza binni ridagulisaa que Dios, casi caní guyuu Asia Menor, Palestina, Siria, Babilonia, Grecia, Italia o caní guyuu sti lugar (Hechos 1:8). Ñee laaca nánnabe ximodo nuu ca xpínnibe yanna ri' la?

Guyúbinu ca perla ni ga'chi'

kr yaza 226 párr. 10

Zunduxe' Reinu sti' Dios ca xhenemigu

¹⁰ **Zaree ca dendxu' lade ca chiva.** Zuuya' ca xhenemigu Reinu sti' Dios ora gaca sti cosa ni jma gusiuba' ladxido'ca'. Jesús guní': «Zuuya cabe Hombre Biseenda Dios zeeda lade za ne stale poder ne enda nandxó'» (Mar. 13:26). Ora gueeda Jesús né stale poder casi na textu ri' nga seña ni gusihiinni ma' nuu-be para guni juzgarbe binni guidxilayú. Laaca lu profecía ra guni'be xi chigaca lu ca último dxi ri', bizeetebe xcaadxi cosa ni zahuinni ora gaca juicio ri'. Zeeda ni lu parábola sti' ca dendxu' ne ca chiva (**biinda' Mateo 25:31-33, 46**). Ca binni ni qué huayuu dxi guixele' de Reinu sti' Dios nga caní guiní' Jesús zeeda gaca casi «dendxu'». Zandisa' ique ca binni ri' ora gudiica' cuenta «ma cadxiña dxi ilá [ca']» (Luc. 21:28). Peru, ca binni ni qué huayuu pur Reinu la? laaca' nga caní guiní' Jesús zeeda gaca casi «chiba». Zuuna' ca binni ri', purti' zudiica' cuenta ma' chigunitilú Jesús laaca' tobi si tiru (Mat. 24:30; Apoc. 1:7).

w09 15/1 yaza 31 párr. 1

Cani naquiiñe' gánnanu de libru sti' Apocalipsis (primé ndaa)

2:7. Xii nga «jardín sti Dios» ni cuzeete' textu ri'. Cumu ca xpinni Cristu ni bibí pur espíritu santu nga gúdxicabe ca diidxa' ca la? jardín ca

nga guibá' ra nuu Jiobá. Ne nanna dxíchinu nabé sicarú racá, casi ti paraíso. Ca xpinni Cristu ni bibí ne qué gusaanaca' Dios la? zanda goca' «cuananaxhi sti yaga ni rudii enda naba-ni», nga rusihiinni qué liica záticabe (1 Cor. 15:53).

25 DE NOVIEMBRE HASTA 1 DE DICIEMBRE

CA TESORO ZEEDA LU BIBLIA | APOCALIPSIS 4-6

«Biree tapa jinete dxi' baca' lu caballu stica'»

wp17.3-S yaza 4 párr. 3

¿Xi raca representar ca jinete ni riete lu Apocalipsis?

¿Tuu nga jinete ri' ya'? Laaca lu libru sti' Apocalipsis riete tu laabe. Xcaadxi capítulo ca ruzeete' lá jinete ca nga «Stiidxa' Dios» (Apocalipsis 19:11-13, *TNM*). Ne rábicabe Jesucristu «Diidxa'» purti' laabe nga ni riquiiñe' Dios para guiní' pur laa (Juan 1:1, 14, *TNM*). Laaca naca Jesús «Rey sti' guirá' rey ne Señor sti' guirá' señor» ne laaca nácabe «Fiel ne Verdadero» (Apocalipsis 19:11, 16, *TNM*). Nápabe autoridad para gusihiinnibe nácabe ti rey nadxibalú ne nanna tinde, qué ribá'nabe ne qué riquiiñebe poder stibe para guninabe. ¿Xiru' zándaca guinabadiidxanu ya'?

wp17.3-S yaza 4 párr. 5

¿Xi raca representar ca jinete ni riete lu Apocalipsis?

¿Padxí bizulú bixooñe' ca jinete ri' né caballu stica' ya'? Jesús nga primé bi'ni' ni ne guca ni dxi gucuaabe ti corona (Apocalipsis 6:2). ¿Padxí guca Jesús Rey guibá' ya'? Qué ñaca di' ni dxi biguétabe guibá' purti' Biblia ruzeete' dxi biguétabe guibá' gupa xidé gulézabe (Hebreos 10:12, 13). Bisiene Jesús ca xpinni ximodo zanda gánnaca' ora ma' guzulú guni mandarbe guibá'. Guni'be ora ma' guzulú guni mandarbe zaca stale cosa feu ndaani' Guidxilayú. Zaca stale guerra, ziaadxa' ni gó binni ne ziuu stale

guendahuará (Mateo 24:3, 7; Lucas 21:10, 11). Qué nindaa de bizulú Primera Guerra Mundial lu iza 1914 bihuinni ma' gúcabe rey ne lu iza ca bizulú «ca último dxi» casi riete lu Biblia (2 Timoteo 3:1-5, *TNM*).

wp17.3-S yaza 5 párr. 2

¿Xi raza representar ca jinete ni riete lu Apocalipsis?

Runi representar jinete ri' guerra. Ndi' riní, zeeda jinete ri' para cuee paz lu guidubi naca Guidxilayú. Lu iza 1914 guca ti guerra ni qué huayuu dxi guihuinni. Despué bizulú Segunda Guerra Mundial ti guerra jma naro'ba' que primé ni guca que. Caadxi cálculo ruzeete' huayati bia' 100 millón de binni pur ca guerra ne guendaridinde huayaca dede lu iza 1914, ne stale millón de binni huayacaná.

wp17.3-S yaza 5 párr. 4, 5

¿Xi raza representar ca jinete ni riete lu Apocalipsis?

«Ne óraque biiya' ti caballu yaase'. Ne naaze ni dxi'ba' laame que ti balanza. Ne galahui' de guidapa' querubín que binadia'ga' casi ora niní tuuxa: “Zasaca ti litru trigu ti denariu, ne zasaca chonna litru cebada ti denariu ne cadí quíte-lu' aceite de oliva nin vinu”» (Apocalipsis 6: 5, 6, *TNM*).

Runi representar jinete ri' guendarindaana. Rihuinnica nabé naro'ba' guendarindaana ziuu purti' lu textu ri' riete zasaca «ti litru trigu» (0.7 kilu) ti denariu, bia' riaxa binni ti dxi dxiiña' lu primé siglu que (Mateo 20:2). Biá'caca zasa-ca «chonna litru cebada» (2.1 kilu) ti cereal jma huaxié' risaca que trigu. ¡Qué zugaanda ni para gó ti familia naro'ba'! De raqué zábicabe binni cadí quíteca' aceite de oliva nin vinu, laacani nga ca cosa ni biquiñe' binni dxiqué.

wp17.3-S yaza 5 párr. 8-10

¿Xi raza representar ca jinete ni riete lu Apocalipsis?

Guidapa jinete ri' runi representar guendaguti pur ca epidemia ne xcaadxi cosa ni ruuti.

Qué nindaa, gudi'di' si iza 1914 biiti gripe española stale millón de binni. Tobi de cada chonna binni ni bibani lu Guidxilayú tiempu que guca contagiar de laani, zándaca bia' 500 millón.

Cadi gripe española si que nga bininá binni. Caadxi investigador guni'ca' guti stale millón de binni de viruela lu siglu veinte que. Ca dxi nabánu ri' neca ma' nuu stale medicina, millón de binni nahuiiniru' rati de sida, tuberculosis ne malaria.

Ca cosa ni bizé'tenu casi guerra, guendarindaana ne epidemia, guirácani ruuticaní binni. Qué riá dí' Ba' guirutí' purti' zidi'di' dxi cagubayuni jma binni.

Guyúbinu ca perla ni ga'chi'

re-S yaza 76 párr. 8

Nandxó' trono sti' Jiobá

⁸ Nanna Juan guyuu sacerdote ni bi'ni' dxiiña' ndaani' Tabernáculo ni guyuu dxiqué. Nga runi zándaca bidxagayaabe ni bí'yabe lu ti visión ni bicaabe: **«Ne guidubi vuelta de trono que nuu 24 trono ne biiya' zuba 24 ancianu lu ca trono que. Nácucabe lari blancu ne nuu ti corona de oro íquecabe» (Apocalipsis 4:4, *TNM*)**. Lu visión ri' qué ñuuyabe sacerdote sínuque biiyabe 24 ancianu zuba lu trono ne nague íqueca' ti corona. ¿Tuu nga ca ancianu ca ya'? Laacabe nga ca xpinni Cristu ni bibí pur espíritu santu, ca ni biasa de lade gue'tu' ne ma' gucuaaca' ti puestu ni bidii Jiobá laaca' guibá'. ¿Ximodo nánanu ni ya'?

re-S yaza 80 párr. 19

Nandxó' trono sti' Jiobá

¹⁹ ¿Tu runi representar ca *ser viviente* ri'? Para gánnanu respuesta ca guidú'yanu ti visión ni bí'ya' profeta Ezequiel. Ora bí'ya' Ezequiel dxi'ba' Jiobá lu carru sti' ne zuba lu trono laaca biiyabe caadxi *ser viviente* casi ni bí'ya' Juan (Ezequiel 1:5-11, 22-28). Despué bigueta' biiya' Ezequiel carru sti' Jiobá né ca *ser viviente* que. Peru biaje ri' guni'be naca ca *ser viviente* ri' querubín (Ezequiel 10:9-15). Guidapa' *ser*

viviente bi'ya' Juan que runi representar ni guirá' ca querubín sti' Dios, ne nápacabe ti puestu risaca ndaani' organización sti' Dios ni nuu guibá'. Qué nidxagayaa di' Juan ora bi'ya' nuu ca querubín que gaxha de Jiobá, purti' dxi'ba' chu-pa querubín ique arca sti' pactu ni guyuu ndaani' Tabernáculo que, arca ri' bi'ni' representar trono sti' Jiobá. Ne lade ca querubín ri' biree ridxi sti' Jiobá para guní' xi naquiiñe' guni guidxi Israel (Éxodo 25:22; Salmo 80:1).

cf-S yaza 36 párr. 5, 6

«Lión ni zeeda de tribu sti' Judá»

⁵ Guizá' nadxibalú ti lión. ¿Ñee huayuuyalu' ti lión de gaxha la? Ni jma seguru nga biiyalu' laame ndaani' ti zoológico. Neca deguyoome ridxíbilu' laame. Ne pa guyadxilu' mani' duxhu' ca de gaxha, qué zuxooñeme purti' qué ridxíbi-me. Biblia ná: «Lión nga mani' jma nadipa' lade guirá' mani' duxhu', ne qué ribísame nezalú tuuxa» (Proverbios 30:30). Zacaca nga nadxibalú Cristu.

⁶ Guidú'yanu chonna modo ma' bisihuinni Jesús nadxibalú casi ti lión: bi'ni' defenderbe ni dxandí', bí'nibe ni jneza ne bidxiilube ca ni bicaalú laabe. Pa nácanu nadxibalú o pa co', guidú'yanu ximodo zanda chinándanu ejemplu sti' Jesús ne gusihuínninu cualidad rí'.

